



Fasti Mariani

Brunner, Andreas

Antverpiæ, M.D.C XXX III.

S. Clemens Pap. M. 23. Novembris.

[urn:nbn:de:hbz:466:1-70962](#)

23.NOV. : *Vita Sanctorum.* 641
odore perfudit. Et fecit hic odor post
Christum currere etiam Tiburtium.
Valeriani germanum , amboque ita in
stadio Christiano cucurserunt, ut bra-
yium martyres obtinerent. CÆCILIA
e balnearum , quas tyrannus succende-
rat, flammis pulchrior, tribusq; in col-
lo vulneribus velut totidem monili-
bus ornatior, cum triduum supervixi-
set, ædesque suas in templum vertisset,
martyrum vestigia velut paranympho-
rum insistens , cælum & ipsa petiit , &
Agno denique nupsit minimè sterilis
virgo, ut quæ moriens uno partu Chri-
sto CCCC. peperit. Ex Metaphr.

S. CLEMENS PAP. M.

23. Novembris.

PROdiit CLEMENS è D. Petri scho-
lā : Virtutis primo magistri, tum in-
fulæ etiam hæres inter Pont. Max. ter-
tius numeratur. Impietatis sub Traja-
no accusatus, & in exilium ultra Euxi-
num Pontum deportatus, munere suo
nec in eâ quidem fortunâ oblitus est
fungi; docuitque bis mille Christianos,
quos ad Latomias tyrannus damnave-
rat , præter saxa è terrâ patientiam
eruere, ad quam verbis & exemplo ere-
xit, & miraculis firmavit. Etenim cùm
aqua dulcis penuria laborarent, eamq;
petere per V.I. millaria cogerentur,
CLEMENS è proximo manare copio-

SS Sam

642 *Vitæ Sanctorum.* 23. NOV.
sam jussit, cùm ipse Servator familia-
rem sibi Agnum induitus dextro pede
& omnino fontis indicium fecisset. Por-
rò cum aquâ longè lateque miraculum
emanavit. Et jam ad trecenta millia-
ria fana Deorum evertebantur, undis-
que sanctis quingenti quotidie tinge-
bantur; cum denique Procos: Aufi-
dius Pontificem anchoræ illigatum in
mare præcipitavit. Emicuit tamen in-
gens animus, & ad portum cæli ena-
vit. Ad preces deinde Christianorum
mare cessit ad tria millaria, strucum-
que in imo à cælitibus martyri tem-
plum tumulumque è marmore osten-
dit, iterato quotannis deinceps hoc mi-
ractilo: quod auxit puer quandoque à
parentibus per errorem illuc relictus
annumque totum incolumis servatus.
Frustra igitur tyrannus mergere laudes
CLEMENTIS mari voluit. Anchoram
suam Martyr cælo fixit. *Ex Metaphr.*

S. TRVDO CONFES.

23. Novembris.

IN Hafbaniensi agro spinas inter, hoc
test, divitias patrias educatus floce-
lus TRVDO suffocari tamen minimè
potuit. Quin caput supra nubes puer
tulit, eoque altius quo profundius in
se descendit. Itaque servulis suis inser-
vire Dominum TRVDONEM vidil-
les. quam virtutem ut tegeret, vilissi-
mos